



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 18. Abbatum Schismaticorum Libellus.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. *potentia; malumus hic Imperatore, vobis,*
A. C. 451. *& Concilio jubentibus mori! per Dei amo-*
rem ne despiciate canos nostros, parcite de-
cem vitis! vita nostra in manibus vestris
posita est. Si cui Sedes nostras Episcopa-
les invadere cupiditas est, invadat! nolu-
mus ultra Episcopi esse; unicum est, quod
 p. 518. *petimus, ne moriamur! date nobis Archi-*
episcopum, & si resistimus, punite! deli-
gite Archiepiscopum! hic expectabimus,
donec ordinatus fuerit.

Magistratus dixerunt: *æquum nobis*
videtur, ut Episcopi Ægyptii, ita ut sunt,
Constantinopoli maneant, donec Episcopus
in Sedem Alexandrinam fuerit ordinatus.
 Pascasinus dixit: *ergo promittant, hæc*
urbe se non excessuros, dum Alexandria
Episcopum habeat! Jusserunt Magistratus,
ut si plura non possent, saltem juramento
se obligarent, se non fugituros.

§. XVIII.

Abbatum Schismaticorum Libellus.

His peractis, jubentibus Proceribus, &
 Concilio, Faustus, Martinus, Petrus,
 Manuel, & plures alii, Presbyteri, & Ab-
 bates Catholici, numero decem & octo,
 ingressi sunt. His ingressis, & sedentibus,
 Magistratus recitari jusserunt octodecim
 aliorum, qui Abbates dicebantur, no-
 mina; hi, Caroso, & Dorotheo Ducibus,
 Libellum supplicem Imperatori tradide-
 rant;

rant; igitur Magistratus petebant, ut ^{Sæculum V.} Abbates Catholici edicerent, an hos om- ^{A.C. 451.} nes Abbates cognoscerent. Omnium nomine Faustus profatus est, Carosum, & Dorotheum Abbates esse, aliquos vero solummodo Custodes Ecclesiarum, ubi Martyres colerentur; aliquibus tres, quatuorve, non plures, esse socios, alios sibi penitus esse ignotos. Subjunxit: *rogamus, ut a Concilio mittantur, qui explorent, an re ipsa Monasteria habeant, vel in Abbatiali dignitate se esse comminiscantur. Quod vero ad eos attinet, qui se Monachos dicunt, & a nemine cognoscuntur, tanquam versipelles, & homines scandalum creantes, urbe excedere jubeantur!*

p. 532.

His insuperhabitis, Magistratus Carosum, & Dorotheum, sequente toto comitatu, ingredi jusserunt, quos inter Barsumam Syrum, & Calopodium Evnuchum videre erat. Postquam illum libellum a se fuisse traditum fassi sunt, legi eum Magistratus jusserunt. At Anatolius dixit: *Presbyteri Calopodius, & Gerontius, qui cum ipsis intrarunt, diu abhinc depositi sunt, nec ipsis adesse licet.* Ipsi responderunt: *usque in hanc horam nemo id nobis dixit.* Tum Aetius Archidiaconus ad Calopodium accedens, dixit: *Archiepiscopus per os meum tibi dicit, te esse depositum; exi!* Calopodius: *qua ex causa depositus!* Archidiaconus: *tanquam Hæ-*

Calopodius depositus.

Hist. Eccles. Tom. VI.

Qq

retti

Sæculum V. *reticus*. Ergo recitatur libellus, tam octo-
 A.C. 451. decim virorum, qui Abbates se dicebant,

p. 524.

quam sociorum suorum, nempe Clericorum, Monachorum, Laicorumque nomine traditus. Summa erat, quod Imperatoris præsidium peterent adversus persecutionem Clericorum, qui se, ut subscriberent, adhibita vi cogere volebant, atque e suis Monasteriis, aliisque Ecclesiis, in quibus habitarent, expellebant.

p. 525.

Tum Diogenes, Episcopus Cyzicenus, dixit: *Barsumas, cum istis ingressus ad Concilium, est Flaviani Interfector; ade- rat enim, & dicebat: occidite! Is in Libello non comprehenditur; quomodo igitur intrare licuit?* Omnes Episcopi exclamare: *Barsumas, totius Syriae perniciës, mille Monachos ad nos adduxit!* Magistratus ad Monachos dixerunt: *jussit Imperator, sicut petiistis, congregari Concilium, & vos admitti; patientes igitur aures præbete, ut vos Concilium edoceat, quid de Fide definiërit.* Carosus, Dorotheus, aliique Monachi dixerunt: *petimus, ut Libellus noster legatur; nempe alius, qui ad Concilium dirigebatur.* Episcopi clamarunt: *ejicite Barsumam Parricidam! Barsumam ad Circum!* nempe ut Bestiis objiceretur. *Anathema Barsumæ! Barsumam in exilium pellite!* Lectus est Libellus ad Concilium directus nomine Abbatum, omniumque eorum in
 Jesu

Jesu Christo Fratrum, petentium, ut Dioscorus, & quos apud se habebat, Episcopi, Concilio interessent. Sæculum V.
A.C. 451.

Cum hæc verba legerentur, omnes Episcopi exclamarunt: *Anathema Dioscoro! Jesus Christus Dioscorum deposuit! Monachi in ejicite banc hominum facem! Concilii pro- Concilio brum tollite!* Faustus, & Abbates Catholici dixerunt: *tollite Monasteriorum ignominiam!* Magistratus legi totum p. 528. Libellum jusserunt; in quo aliud nihil continebatur, quam ut Dioscorus, tanquam Fidei Nicænæ Conservator restitueretur; subjecta erat Protestatio, secus se a Concilii Communione recessuros. Tunc Aetius Archidiaconus quintum Canonem Sup. XII.
S. 12. Antiochenum ex Libro legit, ubi præcipitur, ut Presbyter, vel Diaconus, qui se ab Episcopi sui Communione separat, & alibi conventus agit, deponatur, & si in Schismate persistat, tanquam Seditio- nis reus a Potestate Sæculari expellatur. Episcopi exclamarunt: *æquum hoc est! Patres Sancti hunc Canonem condiderunt!* Magistratus ex Monachis Schismaticis interrogarunt, an Concilii Decretis acquiescerent. p. 529. Carosus dixit: *Fidem Nicænam novi, in qua baptizatus sum, non novi aliam. Episcopi sunt, possunt nos ejicere, possunt deponere. Quando S. Theodimus me baptizavit Tomis, prohibuit, ne quidquam aliud crederem.* Dorotheus di-

Sæculum V. xit: *Fidei Nicænæ, in qua baptizatus*
A.C. 451. *sum, & Decisioni Concilii Epbesini contra*
Nestorium adhaereo; aliam Fidem non no-
vi. Barsumas, opera Interpretis, Syria-
 ce enim loquebatur, dixit: *Fidem teneo,*
quam trecenti, & octodecim Patres tenuerunt;
ita fui baptizatus: in Nomine Patris,
& Filii, & Spiritus S. sicut Dominus ipsos docuit Apostolos. Similia & ceteri responderunt.

Archidiaconus Aetius propius ad eos accedens, dixit: *Eadem Concilii, ac Patrum Nicænorum Fides est.* Cum vero postea quæstiones motæ fuissent, SS. Patres Cyrillus, & Cælestinus, & nunc Sanctissimus Papa Leo ediderunt epistolæ, in quibus Symbolum explicatur, & quas Concilium Oecumenicum reverentia debita recipit. Num ergo Concilii iudicio obeditis, & Nestorium, atque Eutychen anathematizatis? Carosus respondit: *satis Nestorium anathematizavi.* Aetius: num etiam Eutychen cum Sancto Concilio anathematizas, vel secus? Carosus: *nunquid scriptum est: nolite iudicare, & non iudicabimini? Sudent hic Episcopi, cur ergo tu loqueris?* Aetius: *responde ad ea, quæ te Concilium, mea opera utens, interrogat! an Sancto Concilio Oecumenico obedientiam præstas, vel non!* Carosus iterum Concilium Nicænum obtendit, & sermonem clausit his verbis: *Si Eutyches aliud,*
 æ

Matth. 7.

p. 532.

ac Ecclesia Catholica, credit, Anathe-
ma sit!

Sæculum V.
A. C. 451.

Magistratus jusserunt legi Libellum,
a Fausto aliisque Abbatibus Catholicis
Imperatori traditum, contra Eutyichis
Discipulos, qui Confessione Fidei subscri-
bere, etiam sæpius ab Anatolio, aliisque,
moniti recusabant. Hujus Libelli con-
clusio erat; rebelles hos juxta Regulam
Monasticam puniendos, & e loco, in quo
conventus agebant, ejiciendos. Doro-
theus Eutyichis opinionem propugnare
ausus est, affirmans ipsum esse Catholi-
cum, quod sufficeret dicere, illum, qui
passus est, unum esse de Trinitate. Omnes
Episcopi dixerunt: *an vultis subscribere
Epistolæ, vel non vultis?* Nempe de epi-
stola S. Leonis loquebantur. Dorotheus
dixit: *credo in Baptismum, at epistolæ
non subscribo.* Magistratus dixerunt:
*Ministris, ab Imperatore ad vos missis, pro-
misistis, vos Concilii Decretis obedientes
exhibituros; cur igitur jam resistitis?*
Dorotheus respondit: *rogavimus Impe-
ratorem; faceret, ut Concilium Fidem
Nicænam confirmaret.* (*) Tum Magi-

p. 533.

Qq 3

stratus

(*) Eutyichiani hic, Fidem Nicænam! inge-
minant, quam non capiunt, aut pervicaciter ca-
pere nolunt. Ita hodierni Protestantes nihil sæ-
pius in ore habent, quam: Scriptura! Scriptu-

ra!

Sæculum V. A.C. 451. stratus Patres rogarunt, ut pervicacibus duorum triumve dierum moram concederent; sed Carosus, & Dorotheus sine fronte; se a sententia, quæ semel placuisset, nullatenus posse dimoveri. Hic Acta Sessionis quartæ Concilii Calcedonenfis secundum antiquissima Exempla finiuntur; in hodiernis etiam exitus causæ Carosi, & Dorothei, itemque dissensio inter Photium Tyriensem, & Eustathium Berythensem leguntur, quæ hic referemus.

p. 526. Ubi Alexander Presbyter, & Visitator, a Concilio missus ad Imperatorem in causa Monachorum Schismaticorum, rediit, quæ Imperator mandasset, retulit in hunc modum: *ad Imperatorem detuli; a Dorotheo, & Caroso jactari, Suam Majestatem ipsis promississe, ipsam Monasteria nosque convocaturam, ut Partem utramque coram Sancto Evangelio audiret. Imperator ambobus nobis Joanni Decurioni, & mihi mandavit, ut suis verbis Abbatibus diceremus: Si ego ipse vos au-*
dire

ra! S. Scripturam etiam nos Catholici habemus. At si sensum Sacræ Scripturæ diversi diverse explicent, non aliud superest ad veritatem perveniendi Remedium, nisi petitum ab Auctoritate, quam nos Catholici in testimonio Ecclesiæ Romanæ invenimus infallibilem, Protestantes vero nullam; vel, qualis illa sit, tandem aliquando ostendant.

divi voluissim, non fuisset opus, ut Concilium Oecumenicum vexarem, & in hunc locum cogere; sed cum Episcopi in hunc ipsum finem collecti essent, dixi vobis, ut ipsos adiretis, & ex ipsis, quæ ignoratis, disceretis; scitote enim! quæcunque Concilium Oecumenicum decreverit, & scripta mihi tradiderit, ea sequor, amplector, & credo. Nullum ergo vobis de hoc nostro proposito remaneat dubium, nihil aliud responsi obtinebitis.

His auditis Concilium exclamavit: Annos plurimos Imperatori! annos plurimos Imperatrici! Tum secundo lectus est libellus supplex, quem Carosus, & Sectatores ejus Imperatori tradiderant, ut Dioscori Restitutionem peterent. Archidiaconus Aetius postea petiit, ut Canones contra Schismaticos legerentur, & Concilio jubente, ex Libro legit Canones 83. & 84. qui quartus, & quintus inter Canones Concilii Antiocheni leguntur. Ex his videmus, Ecclesiam jam illa ætate Collectione, cui titulus: *Codex Canonum Ecclesie universalis*, tali, qualem hodieque habemus, usam fuisse. Perlectis his Canonibus Concilium, Imperatoris & Magistratum Bonitatem ratam habens, Monachis refractariis triginta dierum moram, nempe a decima quinta Octobris usque ad decimam quintam Nov. concessit. His diebus elapsis, in-

Sæculum V.
A. C. 451.

p. 537.

vid. Bibl.
Justel. to.
I. p. 44.

p. 540.

Qq 4

quit

Sæculum V.
A.C. 451.

quit Concilium: Clericos ad eos mitte-
mus, qui moneant, ut Concilii Decretis se
subjiciant, secus, omni Gradu, Dignita-
te, Monasteriorum Regimine, & ipsa Com-
munionem privati sint. Si fugere volue-
rint, iisdem pænis subjaceant, & juxta
Canones a Potestate Sæculari ad obedi-
endum compellantur. Dies decima quinta
Octobris biduo superior est quarta Con-
cilii Sessione, in qua auditi fuerant, &
Actum hoc peculiare triduo posterius,
nempe vigesima Octobr. datum,

§. XIX.

*Causa Photii Tyriensis, & Eustathii
Berytensis.*

Causa litis inter Photium Tyriensem, &
Eustathium Berytensem hæc erat.
Photius dicebat, sibi soli in prima Phœ-
nice Metropolitæ jura competere, & que-
rebatur, Eustathium Theodosii Junioris
favore, quem sibi conciliaverat, adjutum,
effecisse, ut Berytus in Metropolim eri-
geretur, & inde sibi Jurisdictionem, atque
jus ordinandi in sex Ecclesias Byblensem,
p. 544. Botrysenam, Tripolitanam, Orthosiade-
nam, Arcasenam, & Antaradenam arro-
gare. Eustathius, ut Judicium eluderet,
p. 545. dicebat, ante omnia Fidei Formulæ esse
subscribendum; sed nihilominus Magi-
stratus Photii Libellum legi jusserunt.
Edixerunt deinde, Imperatorem nolle,
ut